



Tuhaqtitaujukhaq

Qilamik Tuhaqtitaujukhaq

Sainiqhinirmun uumunga Hitamaujumun Inuusivut Annirnaqtut Hulidjutinun Upalungaijautikhaq 2024- 2029

Iqaluit, Nunavut (Tattiarnaqhilirvia 30, 2024) – Ublumi, Nan'ngarijaujuq John Main, Minista Munaqhiliqitkunun, quviahuktumik sainiqtaa hitamaujuq Inuusivut Annirnaqtut Hulidjutinun Upalungaijautikhaq 2024-2029-mut Maligaliurvingmi. Una angijuuq upalungaijautikhaq, piliuqhimaquq qaujihaiqpiaqhutik Nunavunmiutanun, naunaihidjutaa uqaqtainun nunallaamiutanin tmaat nunami havaqatigiqhutiklu paannarijaulluaqtunin.

Una Inuusivut Annirnaqtut Hulidjutinun Upalungaijautikhaq hivullirmik pijaujuq talvani Imaruqtirvia 2022 uumuuna Nunavunmi Inminiiqtailinikkut Hanaqidjutikhat (NSPS) paanariiqitunin: ukuattNunavut Kavamanga (GN), Nunavut Tunngavikkut Timinga (NTI), una Iqittiaqhimalugu Inuuhiq Katimajiit Embrace Life Council (IIEELC), uluallu Kanadami Palihiimat (RCMP), 'V' Havagvia. Upalungaijautikhaq atuqtait piaqihimajainik uumani 2017-2023 iniqtirutaa unnirut, munarilutik taimaa atuqhimajani ajuiqhimajat hanaqidjutimin hivumuuriami.

“Una hulidjutinun upalungaijautikhaq naunaitkutaa nipiinin ihumagijainnillu Nunavunmiunit, havakpiarniaqtugullu piliurlugit ihuaqtun aallan'nguqtirutikhat,” uqaqtuq Minista Main. “Tikittumajaqqun piliurluta hivunikhamun taimaa inmikkuurniq atulimailluarlugu Nunavunmi. Havaktakhat naunaiqhimaqun hamani itquumajunin pihimajun pilluarlugillu ikikhilaarlugu inmikkuuqpaktunun naunaitkutaanun aadjikkiirlugu ikikhilaarluguluuniin nunarjuami atuqpaktainnin. Ihuarutikhamun uumunga upalungaijautikhamun qanurinniaqtuq inungnun tamainnun ikajurlutik pijakhamingnun. Nunallaamiutanin ukununga kavamani havagviinnun, una piqatigiigutikhaq havaakhainun,” uqarmijuq Minista Main. “Una amigaitqijaq qaffiunikkut naunaitkutini – pidjutaa annaumanirmun inuuhirnik hivunighaliurnirmullu taimaa tamaita Nunavunmiutat ikajuqhiqtumik ittaanginni ihumagijaulutiklu.”

“Havaqatigiingniq tahapkunani tamaita paatnariiq ikajuutaujuq imaa pijaami haffuma upalun'ngaijaidjutaa aqhuuqhainia inuuhirmun talvuunatigut hulijuni atauttini ikajuqhugitlu Inuit inungmiunikkut ihumagliugutigijaujunut munarhiliqinikkut”, uqaqtuq

NTI kut An'ngijuuqaanga Aluki Kotierk. "Aqhut havakpiaqpaktuguq imaa pijaami uqautigijainnik inuulrammiit, tamaitalu Inuit ihumagijaujuqhat uvani upalun'ngaijaidjutimi. Havaqatigiingniq, uqaqtaaqtavut hivulliujut huuq inminiijuktut aqhuhuhailugu inuuhirinnarniq Nunavunmi".

Una upalungaijautikhaq naunaiqtaa pihuiurlugit aadjikkiiqtunun atuqtaujani pinahuarutini, aturlugu havaqatigiingniq havagviujuni, munarijaami pinahuarutimun ihuariaqhaanun, piliurlugillu ihuaqtun havaktaujakhat. Talvani NSPS-kut Katimarjuarutaani Iqaluktuutiami talvani Tattiarnaqhilirvia 2022, ihumaliurutaujuq taimaa inulrammiit nipiit aturluarlugit nutaamun upalungaijautikhamun, taimaalu tamaita kavamatkunni havagviit tunijaujukhaujumik naunaiqhimajanik havaktakhainun kiunnaqtuutiqarianginni, ilaulirlutik, unniqattarlutiklu.

Cecile Guerin, Atanilluaq ukunani Isaksimagit Inuusirmi Katujjiqatigiit Embrace Life Council uqaqtaa taimaa "IKELC niriuktun hivunikhamun hakugikhijuumijumik paanariirutikhanun aallalu havagviit havalirianginnik havaktaujakhanik inminiiqtailinirmun."

"Niriuktugun hivumun havaqatigiiqhimmaariami ukunanun NSPS paanariiqqtunun ikajuutigilugu ikikhilaarlugit ajuqhautit aannirutillu Nunavunmiutanun," uqaqtuq Staff Sergeant Major Pauline Melanson. "Palihiimat atuqhimmaaqtaait Inuit Qaujimajatuqangit pigijaptingni ubluni auladjutini tamaat nunami."

Una Inuusivut Annirnaqtut Hulidjutinun Upalungaijautikhaq angijuuq hivumuurutikhaq ihuaqhinahurillugit inminiiqtailinirmun ihumakkullu aanniaqtininirmun Nunavunmi. Piplugit akhuurutigijait NSPS paanariiqqtun ikajuutainulu inungnin Nunavunmi, una upalungaijautikhaq pihimajuq piliuriami aanniarnaittumun, mahulingaitqijamut nunakhaptingnun hivunikhainun inuuhiudjutinun.

Naunairjuumijumagungni uumunga Inuusivut Annirnaqtut Hulidjutinun Upalungaijautikhaq, qaritaujakkut takulugu una [GN-kut qaritaujakkuurutaa](#) titiqqiluguluuniin Kennedy Haines talvunga khaines1@gov.nu.ca.

###

Pierre Essoh
Tuhagtipkainikkut Ajuittuq
Aanniaqtailinirmut Havagvia
867-975-5712
heacommunications@gov.nu.ca

Opal McInnis
Katimajinni Katimajit, Angijuuqqaq
Iqittiarhimalugu Inuuhiq Katimajit
867-975-3233
embracelife@inuusiq.com

Cpl George Henrie
"V" Havagviat Pallihimat Atan'ngujaqarviat
867-979-0123
George.Henrie@rcmp-grc.gc.ca

2024-NR